

"Орталық Азия ынтымақтастық және даму банкін құру туралы" Қазақстан Республикасы, Қырғыз Республикасы және Өзбекстан Республикасы арасындағы 1994 жылғы 8 шілдедегі Келісімге өзгерістер мен толықтырулар енгізу туралы" Қазақстан Республикасы, Қырғыз Республикасы және Өзбекстан Республикасы арасындағы келісімді бекіту туралы

Қазақстан Республикасының Заңы 1997 жылғы 16 шілде N 164

1996 жылғы 23 тамызда Алматыда қол қойылған "Орталық Азия ынтымақтастық және даму банкін құру туралы" Қазақстан Республикасы, Қырғыз Республикасы және Өзбекстан Республикасы арасындағы 1994 жылғы 8 шілдедегі Келісімге өзгерістер мен толықтырулар енгізу туралы" Қазақстан Республикасы, Қырғыз Республикасы және Өзбекстан Республикасы арасындағы келісім бекітілсін.

Қазақстан Республикасының
Президенті

"Орталық Азия ынтымақтастық және даму банкін құру туралы" Қазақстан Республикасы, Қырғыз Республикасы және Өзбекстан Республикасы арасындағы 1994 жылғы 8 тамыздағы Келісімге өзгерістер мен толықтырулар енгізу туралы" Қазақстан Республикасы, Қырғыз Республикасы және Өзбекстан Республикасы арасындағы

Келісім

Осы Келісімге қатысушы мемлекеттер, бұдан әрі Тараптар деп аталады,

Орталық Азия ынтымақтастық және даму банкін құру туралы қол жеткен Келісімді жүзеге асыру жөніндегі қажетті жағдайларды жасау мақсатында, жоғарыда аталған Келісімге мынадай өзгерістер мен толықтырулар енгізуге келісті. 1-баптың 1-тармағындағы "бірлескен" деген сөзден кейін "мемлекетаралық" деген

с о з б е н

т о л ы қ т ы р ы л с ы н .

Осы тармақтың екінші сөйлемі мынадай редакцияда жазылсын:

"Банктің құрылтайшы-мүшелері Қазақстан Республикасы, Қырғыз Республикасы және Өзбекстан Республикасы болып табылады".

1-баптың 2-тармағы мынадай редакциядағы абзацпен толықтырылсын:

"Банктің жоғары органы акционерлердің жалпы жиналысы (өкілдердің жиналысы) болып табылады" (әрі қарай мәтін бойынша).

1-баптың 2-тармағына "Тараптардан" деген сөзден кейін мынадай редакциядағы т о л ы қ т ы р у е н г і з і л с і н :

"Қазақстан Республикасы, Қырғыз Республикасы және Өзбекстан Республикасы Мемлекетаралық Кеңесі Атқарушы комитетінің төрағасы және Орталық Азия ынтымақтастық және даму банкінің президенті".

1-баптың 2-тармағындағы соңғы сөйлем алынып тасталсын және мынадай мазмұндағы абзацпен толықтырылсын:

"Банкті құру және Банктің қызметін тоқтату, Банкке жаңадан мүше қабылдау, Жарғылық жарнаны көбейту және Банктің президентін бекіту акционерлердің жалпы жиналысымен шешіледі. Банктің қызметіне байланысты басқа барлық мәселелерді Банк К е ң е с і ш е ш е д і " .

2-баптың екінші және үшінші абзацтары мынадай редакцияда жазылсын:

"Банк және оның филиалдары осы Келісімге, оның ажырамас бөлігі болып табылатын Банктің Жарғысына және болу-елдерінің қолданылып жүрген заңдарына сәйкес қызмет етеді. Егер болу-елдерінің заңдық нормалары осы Келісімге қайшы келген жағдайда осы Келісімнің нормалары қолданылады.

4-баптың 1-тармағы мынадай мазмұндағы абзацпен толықтырылсын:

"Банк ұйымдық-құқықтық нысаны бойынша жабық үлгідегі акционерлік қоғам болып табылады және әрқайсысының нақтылы құны 100.000 (жүз мың) АҚШ доллары бо л а т ы н а к ц и я л а р ш ы ғ а р а д ы " .

2-тармақ алынып тасталсын, 3,4-тармақтар 2, 4-тармақтар болып саналсын.

4-баптың 3-тармағындағы "сомасы" деген сөз алынып тасталсын.

4-бап мынадай мазмұндағы тармақпен толықтырылсын:

"Құрылтайшы-мемлекеттердің аумақтарында орналасқан Банктің, сондай-ақ оның филиалдарының кірісіне (пайдасына) салықтар олар келген елдің заңдарына сәйкес қолданылып жүрген ставка бойынша есептеледі. Салық ретінде аударуға жататын сомалар Банктің арнайы шотында жинақталады және жылдың қорытындысы бойынша Банк Кеңесінің шешімімен мынадай мақсаттарға бөлінеді:

- Банктің капиталын көбейтуге;
- Құрылтайшы мемлекеттердің бюджеттеріне".

9-баптың 1-тармағы мынадай мазмұндағы жаңа редакцияда жазылсын:

"Тараптардың өзара жазбаша келісімі бойынша осы Келісімге өзгерістер мен

толықтырулар енгізілуі мүмкін.

Өзгерістер мен толықтырулар осы Келісімнің ажырамас бөлігі болып

табылатын Тараптардың Хаттамаларымен немесе Шешімдерімен ресімделеді".

9-баптың 2-тармағы алынып тасталсын, 3-тармақ 2-тармақ болып саналсын.

Осы Келісім Тараптардың заңдарына сәйкес мемлекет ішіндегі рәсімдер орындалған сәттен бастап күшіне енеді.

Алматы қаласында 1996 жылдың 23 тамызында бір данада орыс тілінде жасалды.

Түпнұсқа данасы Қазақстан Республикасы, Қырғыз Республикасы және Өзбекстан Республикасы Мемлекетаралық Атқарушы Комитетінде, әрбір қатысушы-мемлекетке оның куәландырылған көшірмесі жіберіледі.

Қазақстан Республикасы Қырғыз Өзбекстан
Президенті Республикасының Республикасының
 Президенті Президенті

Қазақстан Республикасы, Қырғыз Республикасы
және Өзбекстан Республикасы арасында орталық азия
ынтымақтастық және даму банкін құру туралы
Келісім

Осы Келісімге қатысушы мемлекеттер, әрі қарай Тараптар деп аталады,

Тараптар арасында Біртұтас экономикалық аймақ құру туралы Шарт ережелерін негізге ала отырып,

сауда, қаржы қарым-қатынастарының сақталуын, бірлескен өндірістерді дамыту мүдделерін жетекшілікке ала отырып,

Тараптардың үкіметаралық келісімінде көзделгеніндей, саудалық, саудалық емес және басқа операциялар бойынша жан-жақты мемлекетаралық есеп айырысуларды ұйымдастыру мен жүзеге асырау қажеттігін түсіне отырып, төмендегідей келісімге келді:

1 - б а п

1. Бірлескен Орталық Азия ынтымақтастық және даму банкі (бұдан әрі - Банкі)

құрылсын. Банктің құрылтайшы мүшелері Қазақстан Республикасының Үкіметі, Қырғыз Республикасының Үкіметі, Өзбекстан Республикасының Үкіметі болып т а б ы л а д ы .

2. Банктің басқару органы Банк Кеңесі болып табылады. Оның

құрамына Тараптардан бір-бірден өкілетті өкілдер кіреді. Банк Кеңесінің Шешімі Банк Жарғысы анықтаған тәртіппен қабылданады.

3. Банк арқылы жүргізілген есеп айырысулар Банк Кеңесі анықтаған еркін өтімді валютамен, ұлттық валютамен немесе арнайы төлем қаржысымен жүзеге асырылады.

2-бап

Банктің тұрған жері - Алматы қаласы. Банк заңды тұлға болып табылады. Банк халықаралық қаржы және банктік ұйымдар мен одақтарға қатысуы мүмкін.

Банк қызметі оның ажырамас бөлігі болып табылатын осы келісіммен және Банктің Жарғысымен реттеледі.

Банк пен Банк орналасқан елдің арасындағы қарым-қатынас осы мемлекеттегі заңдармен және соған сәйкес келісімдермен анықталады.

3-бап

Банкке келесі қызметтер жүктеледі:

- үкіметаралық келісімдерде көзделгендей сауда және басқа операциялар бойынша жан-жақты мемлекетаралық есеп айырысуларды ұйымдастырады және жүзеге асырады;
- бірлескен кәсіпорындарды ұйымдастыруға және олардың меншік түріне қарамастан қызмет ауқымын кеңейтуге ықпал етеді;
- Тараптардың стратегиялық бағдарламасын несиелендіреді;
- жалпы аймақтық маңызы бар объектілерді қаржыландырады;
- Тараптардың экономикасын зерттеп, талдайды және Тараптардың банктеріне ұсыныстар мен кепілдемелер дайындайды.

4-бап

1. Банктің алғашқы Жарғылық капиталы 9,0 (тоғыз) млн. АҚШ доллары

немесе басқа валюта баламасымен (Банк Кеңесінің шешімі бойынша) Банк құрылтайшы-мүшелердің жарнасы есебінен Банк Кеңесі белгілеген мөлшерде құрылады.

2. Жарғылық капиталдың мөлшері Банк Кеңесінің шешімі бойынша көбейтілуі мүмкін.

3. Банкке жаңадан мүше мемлекет қабылдағанда Банктің жарғылық қоры ұлғайтылады. Банктің жаңа мүшесінің сомасы, тәсілі және мерзімі Банк Кеңесімен келісіле отырып анықталады.

4. Банктің Банк Кеңесінің шешімі бойынша құрылған арнайы қорлары болуы мүмкін.

5-бап

1. Мемлекеттердің шаруашылық жүргізуші субъектілері арасындағы ағымдағы төлемдер екі жақты және көп жақты негізде жүзеге асырылады және олардың ұлттық заңдарымен реттеледі.

2. Тараптардың өзара есеп айырысуларындағы ұлттық валютаның бағамын Банк Кеңесі анықтайды.

Тараптар валютаның белгіленген бағамы туралы ақпаратты ұлттық (орталық) банкке валюта бағамы өзгерген күннен кейінгі келесі күннен кешіктірмей береді.

6 - б а п

1. Әрбір Тарап кезекті мерзімге сауда-экономикалық келісімдер жасағанда және үкіметаралық келісімдер бойынша жалпы товар айналымы шеңберінде басқа жақтармен Банк мүшелері көрсеткен мерзім шеңберінде түсімдер мен төлемдердің тепе-теңдігін қамтамасыз етуге ұмтылады. Бұл орайда ұлттық немесе басқа валютадағы мүмкін болатын резервтердің құрылуы (жұмсалуды), сондай-ақ кредит алудың (өтеудің) мүмкіндігі ескерілуі мүмкін.

2. Саудалық емес операциялар бойынша есеп айырысулар саудалық емес төлемдер туралы үкіметаралық келісімдер негізінде жүргізіледі.

7 - б а п

Банк Банк мүшесі болып табылмайтын басқа мемлекеттерге Банк Кеңесі анықтаған

тәртіппен және шартпен олардың мемлекетаралық есеп айырысуларға қатысуы үшін корреспонденттік шоттар аша алады.

8 - б а п

Осы Келісімге Банк қызметінің мақсаттары мен принциптерін бөлісетін басқа да мемлекеттер қосылуы мүмкін. Банкке жаңа мүше қабылдаудың шарты мен тәртібі оның Ж а р ғ ы с ы м е н а й қ ы н д а л а д ы .

9 - б а п

1. Осы Келісім барлық Тараптардың келісуімен ғана өзгертілуі мүмкін.
2. Осы Келісімге қатысқысы келмейтіні туралы әр Тарап кем дегенде

алты ай бұрын бұл жөнінде Банк Кеңесін хабардар ете алады. Көрсетілген мерзім ішінде Банк пен тиісті Тарап арасында олардың өзара міндеттемелері бойынша қарым-қатынастары реттелуі тиіс.

3. Осы Келісім Тараптардың тиісті заңдарына сәйкес ішкі мемлекеттік шаралар орындалған сәттен бастап күшіне енеді.

Келісім Алматы қаласында 1994 жылдың 8 шілдесінде үш түпнұсқа данадан - қазақ, қырғыз, өзбек және орыс тілдерінде жасалды, әр дананың күші бірдей.

Қазақстан Республикасы
атынан

Қырғыз Республикасы
атынан

Өзбекстан Республикасы
атынан

Оқығандар:
Орынбекова Д.
Нарбаев Е.

Келісім Парламенттен алынған

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК